

Bosna i Hercegovina



Босна и Херцеговина

01/a-50-1  
ly

Sud Bosne i Hercegovine  
Kabinet predsjednika Suda

Суд Босне и Херцеговине  
Кабинет председника Суда

Broj: Su-10-421/13  
Sarajevo, 08.11.2013. godine

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLIENO: 13. 11. 2013

Organizaciona jedinica	Klasifikaciona oznaka	Redni broj	Broj priloga
0-50	1-15	55	1/13

Parlamentarna skupština Bosne i Hercegovine  
PREDSTAVNIČKI/ZASTUPNIČKI DOM  
n/r predsjedavajućeg, dr Denis Bećirović

Ul. Trg BiH 1  
71000 SARAJEVO

Veza: Vaš akt broj 01/a-50-1-15-55/13

Poštovani gospodine Bećirović

Svojim aktom, broj gornji od 24.10.2013. godine, dostavili ste mi zastupnička pitanja poslanika Predstavničkog doma Parlamentarne skupštine BiH, Vrankić Dragana, postavljena Visokom sudskom i tužilačkom vijeću BiH i ovom Sudu na 55. sjednici Doma održanoj 24.10.2013. godine, u odnosu na ujednačavanje sudske prakse za krivična djela ratnih zločina u kontekstu presude Evropskog suda za ljudska prava u Strasborgu u predmetima „*Maktouf i Damjanović protiv BiH*“.

U odgovoru na postavljena pitanja obavještavam da će Sud Bosne i Hercegovine postupiti u skladu s odlukama i uputama iz presude Evropskog suda za ljudska prava, kao i odlukama i uputama iz odluka Ustavnog suda Bosne i Hercegovine, za svaki pojedinačni predmet zasebno, zavisno od presude, odnosno odluke.

S poštovanjem,

PREDSJEDNICA SUDA  
Meddžida Kreso

Kraljice Jelene 88, 71000 Sarajevo

Telefon:  
++ 387 33 707 301

Fax:  
++ 387 33 707 320

web:  
www.sudbih.gov.ba

e-mail  
pios@sudbih.gov.ba

USTAVNI SUD  
BOSNE I HERCEGOVINE



УСТАВНИ СУД  
БОСНЕ И ХЕРЦЕГОВИНЕ

CONSTITUTIONAL COURT  
OF BOSNIA AND HERZEGOVINA

COUR CONSTITUTIONNELLE  
DE BOSNIE-HERZEGOVINE

Broj: P4-1-141-1/13  
Sarajevo, 11. studeni 2013. godine

01/2-50-1 y

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO:	13. 12. 2013		
Organizaciona jedinica	Klasifikacioni oznaka	Redni broj	Broj priloga
01-50-1-15-55/13			

**PARLAMENTARNA SKUPŠTINA BOSNE I HERCEGOVINE**

Zastupnički dom

n/r : Predsjedatelj, gospodin Denis Bećirović

n/r : Uvaženi zastupnik, gospodin Dragan Vrankić

Veza: Vaš akt Broj: 01/a-50-1-15-55/13 od 24.10.2013. godine

**Predmet:**

Odgovor na zastupničko pitanje zastupnika Dragana Vrankića, postavljeno na 55. sjednici Zastupničkog doma Parlamentarne skupštine Bosne i Hercegovine održanoj 24.10.2013. godine, Ustavnom sudu Bosne i Hercegovine.

**Poštovani**

Ustavni sud Bosne i Hercegovine je na 152. sjednici održanoj 05. studenog 2013. godine, u vezi sa zastupničkim pitanjem koje je uvaženi zastupnik Dragan Vrankić postavio Ustavnom sudu Bosne i Hercegovine na 55. sjednici Zastupničkog doma Parlamentarne skupštine Bosne i Hercegovine, održanoj 24.10.2013. godine, a koje glasi: "Što će i kada će Ustavni sud BiH poduzeti na implementaciji svojih odluka u vezi JMBG i Odluke vezane za Izborni zakon i Statut Grada Mostara?" utvrdio slijedeći odgovor:

U skladu sa svojim Pravilima, Ustavni sud Bosne i Hercegovine redovito prati izvršenje svojih odluka koje sadrže nalog za određenim postupanjem izdat odgovarajućim institucijama.

U slučajevima u kojima utvrdi da odluka Ustavnog suda koja sadrži nalog za određenim postupanjem izdat odgovarajućim institucijama nije izvršena u ostavljenom roku, Ustavni sud Bosne i Hercegovine to konstatuje u formi rješenja, koje zatim dostavlja Tužiteljstvu

R. Dž. Čauševića 6/III, 71000 Sarajevo

tel:  
+387 33 251 226

fax:  
+ 387 33 561 134

web:  
[www.ustavnisud.ba](http://www.ustavnisud.ba)

email:  
[sud@ccbh.ba](mailto:sud@ccbh.ba)

*Bosne i Hercegovine na dalje postupanje obzirom da neizvršenje odluka Ustavnog suda predstavlja krivično djelo propisano Kaznenim zakonom BiH*

*U predmetima na koje se odnosi pitanje uvaženog zastupnika Dragana Vrankića Ustavni sud Bosne i Hercegovine je već razmatrao izvršenje svojih odluka i donijeo odgovarajuća rješenja, uputio ih Tužiteljstvu Bosne i Hercegovine, te time okončao svoju nadležnost za postupanje u tim predmetima.*

*U predmetu koji se odnosio na Zakon o teritorijalnoj organizaciji i lokalnoj samoupravi Republike Srpske i Zakon o Gradu Srpsko Sarajevo, istovremeno sa donošenjem rješenja kojima je utvrđeno da nije izvršena odluka Ustavnog suda Bosne i Hercegovine, u oba ta slučaja, Ustavni sud Bosne i Hercegovine je donijeo i odluku kojom su privremeno utvrđeni nazivi gradova i općina u republici Srpskoj, što je do sad jedini takav slučaj u praksi Ustavnog suda BiH.*

**Srdačan pozdrav,**

**Predsjednica  
Ustavnog suda Bosne i Hercegovine  
Valerija Galić**





Visoko sudsko i tužilačko vijeće Bosne i Hercegovine  
 Visoko sudbeno i tužiteljsko vijeće Bosne i Hercegovine  
 Высoki судски и тужилачки савет Босне и Херцеговине  
 High Judicial and Prosecutorial Council of Bosnia and Herzegovina



Broj: 01-50-4035-2/13  
 Sarajevo, 27.11. 2013. godine

BOSNA I HERCEGOVINA  
 PARLAMENTARNA SKUPŠTINA BOSNE I HERCEGOVINE  
 SARAJEVO

PRIMLJENO: 28. 09. 2013

Organizaciona jedinica	Klasifikaciona oznaka	Redni broj	Broj priloga
01-50-1-	15-	55/13	

Parlamentarna skupština Bosne i Hercegovine  
 Zastupnički/Predstavnički dom  
 N/r Denis Bećirović, predsjedavajući

**Predmet: Poslaničko pitanje, odgovor, dostavlja se**

**Veza: Vaš akt broj: 01/a-50-1-15-55/13**

Poštovani,

Visoko sudsko i tužilačko vijeće Bosne i Hercegovine (u daljem tekstu: VSTV BiH) zaprimilo je, dana 31. oktobra 2013. godine, dopis broj 01/a-50-1-15-55/13, kojim su VSTV-u BiH prosljeđena poslanička pitanja Dragana Vrankića, poslanika u Predstavničkom domu Parlamentarne skupštine BiH, u vezi sa ujednačavanjem sudske prakse. S tim u vezi VSTV BiH daje odgovore kako slijedi:

*Pitanje 1. Šta pravosudna tijela u BiH (VSTV, Sud BiH i ostali sudovi) imaju namjeru poduzeti u svezi revizije postupaka presuđenih po KZ BiH iz 2003. godine umjesto tada važećeg KZ SFRJ iz 1976. godine u vrijeme izvršenja kaznenog djela, a pozivajući se na presudu Suda za ljudska prava u Strazburu, u predmetima Maktouf i Damjanović.*

Imajući u vidu zakonske nadležnosti i poštujući principe neovisnosti pravosuđa, VSTV BiH ne može davati upute o pitanju revizije sudskih postupaka, posebno imajući u vidu činjenicu da se pitanje primjene zakona mora ocjenjivati za svaki predmet pojedinačno uzimajući u obzir konkretne okolnosti svakog predmeta i, posebno, da li su sudovi primijenili zakon čije su odredbe najpovoljnije za optuženog, a kako je naznačeno u presudi Evropskog suda u konkretnom predmetu.

*Pitanje 2. Tko će snositi posljedice, odnosno preuzeti odgovornost za eventualno pogrešnu primjenu zakona i tko će nadoknaditi štetu koja će proisteci iz takvog postupanja.*

Zakon o VSTV-u BiH („Službeni glasnik BiH“ br: 25/04, 93/05, 48/07 i 15/08), u članu 87. propisuje da sudija ili tužilac ne može biti krivično gonjen, uhapšen ili zadržan u pritvoru niti može odgovarati u građanskom postupku za mišljenja koja daje ili za odluke koje donese u okviru svojih službenih dužnosti. Dakle, sudske odluke se mogu preispitivati po redovnim i vanrednim pravnim lijekovima pri čemu sudija ima imunitet od odgovornosti za odluke koje je donio, a za eventualnu štetu nastalu u radu pravosudnih organa, ukoliko se utvrdi da je osoba neopravdano osuđena za krivično djelo ili je bez osnova lišena slobode, terete se budžetska sredstva.


Načelo 2. Osnovnih načela Ujedinjenih naroda<sup>1</sup> navodi: „sudovi će odlučivati nepristrasno, na osnovu činjenica i u saglasnosti sa zakonom, bez ograničenja, neprimjerenih utjecaja, pritiska, prijetnji“.

Preporuka Vijeća Evrope<sup>2</sup> je formulisala ovo načelo na sljedeći način: „Sudije moraju imati potpunu slobodu da slučajeve rješavaju nepristrasno, prema njihovoj savjesti i tumačenju činjenica, a u skladu sa zakonom.“

*Pitanje 3. Treba li država BiH nečinjenjem, odnosno nepoduzimanjem adekvatnih mjera dozvoliti ili sama sudjelovati u kršenju ljudskih prava i dopustiti da se svaki pojedinac obrati Evropskom sudu za ljudska prava u Strazburu i na taj način ispravi nezakonito ponašanje domaćih sudova.*

Pravo pojedinca da se obrati Evropskom sudu za ljudska prava je garantovano samom Konvencijom o zaštiti ljudskih prava i temeljnih sloboda. Naime, Evropski sud uspostavljen je da bi se osiguralo poštivanje obaveza preuzetih Konvencijom i njenim protokolima. Konvencijom je propisano da svaka osoba koja tvrdi da je žrtva povrede prava zagarantovanih Konvencijom i njenim protokolima, a koja je učinjena od strane države ugovornice, ima pravo, nakon što su iscrpljeni redovni mehanizmi pravne zaštite u državi, podnijeti predstavku Evropskom sudu, dok se države ugovornice obavezuju da ni na koji način ne ometaju stvarno rješavanje ovog prava.

S poštovanjem,



Predsjednik

Milorad Novković

Dostaviti:

- naslovu
- a/a.

<sup>1</sup> OSNOVNA NAČELA UJEDINJENIH NACIJA O NEZAVISNOSTI SUDSTVA koje je usvojila Generalna skupština Ujedinjenih nacija novembra 1985. godine

<sup>2</sup> PREPORUKA (2000)19. Vijeća ministara državama članicama o ulozi javnog tužilaštva u krivično-pravnom sistemu